

զործէին Տաճկին . նաեւ զթօփերն ի ձեռաց  
իւրեանց խլէին :

45

Իսկ մի փաշայ ոմն Սարախաշ անուն , որ էր  
Շամայ եկեալ հինգհարիւր հոգով . սա եկեալ  
առ Օսմանն եւ ասէ . Ձի՞նչ է կալուրն եւ զի՞նչ  
լինի կռիւ նորա . տուր ինձ հրաման . ես իմ  
զօրօքս զնացից եւ զամենեսեան կենդանի ամից  
առ քեզ . եւ զթապօրն ցրեցից : Եւ նա ասէ .  
Գնա՛ , տեսնամ զքեզ : Իսկ եղկելին վստահա-  
ցեալ անձին զօրութիւնն եւ ոչ յԱստուած . եւ  
մինչ գնայր զառ ի վեր տափարակին , յորում  
կային անտառախիտ ծառք , ուր էին թաղու-  
ցեալ Սաղախք : Մի ոմն ի նոցանէ տեսեալ թէ  
զայ փաշան այնպէս վստահ եւ գիտաց թէ  
նա է զլուխն . նշան եղիր ի վերայ նորա  
զթուֆաքն իբրեւ ի նպատակ . եւ հարեալ ի  
ճակատն սաղաւարտիւ անցուց զկուլան ի միւս  
կողմն , որպէս Դաւիթ զԳողիաթ . որ եւ ի վայր  
անկեալ ձիուն՝ սատակեցաւ : Եւ յանկարծակի  
ելեալ ի թիոյն Սաղախք՝ ամենայն կողմանց  
պատեցին շուրջանակի զՇամայ խուլն , կո-  
տորեցին անխնայ . սակաւք մնացեալ փա-  
խըրտեամբ՝ զնացին պատմել Օսմանին : Եւ նա  
բարկացեալ հրամայեաց թաթարաց մտանել  
երկիրն Լէհու . զոր անթիւ բազմութեամբ  
իրբեւ մարախ տարածեալ գային եւ ոչ գի-  
տէին զորոգայթք վնասուց . զոր թոյլ ետուն  
մտանել ի ներս . ապա կալեալ զյառաջս եւ զյե-  
տոյս նոցա՝ սրախողող արարեալ . գայլս թօ-

50

55

60

65

70